

Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
T R A V N I K
Broj: T06 0 KT 0028618 21
Datum, 14.04.2021. godine,

OPĆINSKI SUD TRAVNIK

Na temelju odredbe člana 45 stav 2 tačka i , člana 241 stav 1 Zakona o kaznenom postupku Federacije Bosne i Hercegovine, podižem

O P T U Ź N I C U

Protiv:
MUHAMED HADŽIABDIĆ rođen 1991. godine.

ŠTO JE:

1. Dana 11.02.2021. godine protivno odredbama članka 8 stav 1 točka b u vezi sa člankom 7 stav 3 točka b Zakona o nabavci, držanju i nošenju oružja i municije (Sl. n. SBK broj 12/2014 i 9/2015), na prostoru općine Travnik, bez odobrenja nabavio, nosio i držao u vozilu marke „ VW Golf 6 „, registarskih oznaka R. Slovenije LJ-72-GEI poluautomatski pištolj marke „ Heckler & Koch „, model „UPS COMPACT „, kalibra 9x19 mm uništenog serijskog broja sa 7 metaka kalibra 9x19 mm, iako je znao da za nabavku, nošenje i držanje tog oružja neophodno odobrenje nadležnog organa, koje je u mjestu Putičevo općina Travnik, dana 11.02.2021. godine od strane ovlaštenih službenih osoba Federalne uprave policije prilikom pretresa vozila pronađena i oduzeta.

Dakle, bez odobrenja nabavio i nosio vatreno oružje za čiju nabavku i nošenje je potrebna važeća isprava.

2. Dana 11.02.2021. godine u vozilu marke „ VW Golf 6 „, registarskih oznaka R. Slovenije LJ-72-GEI, držao opojnu drogu kokain u količini od 0,109 grama i Cannabis u količini od 0,518 grama, iako je znao da je držanje opojne droge zabranjen , koja je u mjestu Putičevo općina Travnik od strane ovlaštenih službenih osoba Federalne uprave policije prilikom pretresa vozila pronađena i oduzeta.

Dakle, neovlašteno posjedovao opojnu drogu.

Čime je počinio pod tačkom 1 kazneno djelo iz člana 69 stav 1 Zakona o nabavci, držanju i nošenju oružja i municije (Sl. n. SBK broj 12/2014 i 9/2015), a pod tačkom 2 kazneno djelo Posjedovanje i omogućavanje uživanja opojnih droga iz člana 239 stav 3 KZ F BiH.

Temeljem odredbe članka 78 KZ F BiH u vezi sa člankom 69 stav 2 Zakona o nabavci, držanju i nošenju oružja i municije (Sl. n. SBK broj 12/2014 i broj 9/2015), predlažemo da se od osumnjičenog trajno oduzme:

- pištolj marke „Heckler & Koch „, model „UPS COMPACT „, kalibra 9x19 mm uništenog serijskog broja sa 7 metaka kalibra 9x19 mm,
- opojna droga Kokain u količini od 0,093 grama i Cannabis u količini od 1498 grama.

Predlažemo da se:

- naprijed navedeno oružje ustupi trajno Centru za forenzička ispitivanja, vještačenja i istraživanja – Odsjek za balistička i mehanoskopska vještačenja pri Federalnoj upravi policije F MUP Sarajevo, a radi popunjavanja referentne zbirke vatrenog oružja za potrebe budućih vještačenja,
- opojna droga uništi.

KANTONALNI TUŽILAC